

րելի է նրանց տեսնել կամ նրանց հետ խօսել: Բոլոր անասնական կրթերը զարթած են լինում նրանց մեջ: Նրանք սթափում են այդ մոլեկան դրուֆինից այն ժամանակ միայն, երբ դահոռեջին նրանց լաւ կողոպտում է եւ իր անբարոյական հիմնարկութիւնից դուրս է անում, որ աւելորդ տեղ չբռնեն:

– Ի՞նչ միջոցով են փող աշխատում, – հարցրի ես:

– Ամենաստոր միջոցներով: Ես հասկանում եմ, երբ հսկայ մշեցին կամ ուժեղ շատախցին գնում է Պոլիս: Նրանք ընտրում են տղամարդի վայել աշխատութիւններ: Խաներում, մաքսատներում, նաւահանգստներում համալրութիւն են անում եւ ահագին հակեր են տեղափոխում շոգենաւերից, թուլումբաջի (հրդեհաշէջ) են դառնում եւ կրակի մէջ են մտնում: Նաւաստի են դառնում եւ ալիքների հետ են պատերազմում, մի խօսքով, ընտրում են այնպիսի պարապմունքներ, որի համար պետք էր մարմնի եւ սրտի ամրութիւն եւ ծայրայեղ անձնավստահութիւն: Բայց երբ թուլամորթ, կանացաբարոյ վանեցին է գնում Պոլիս, ընտրում է պարապմունքների ամենամեղկը: Դրանք ըստ մեծի մասին գնում են մանուկ հասակներում, բերբերների (սափրիչների) աշակերտ են դառնում, սրճատներում սպասաւոր են դառնում կամ, որպէս Մինաս եւ Կարապետ «աղաների» օրինակներով ցոյց տոյի, բաղանիքներում քիսաջի եւ փողոցներում բաժակներով ջուր ծախող են դառնում: Բայց աւելի փչացնում է վանեցիներին էյվազութիւնը: Գիտէ՞ք ի՞նչ բան է էյվազութիւնը, մասնաւոր տներում սպասաւորութիւն եւ առաւելապէս հարուստ մահմեդականների կամ ծառայող փաշաների տներում: Պետք է մահմեդականների ընտանեկան կազմակերպութեան հետ ծանօթ լինել, որ հասկանալի լինի, թէ որքան գարշելի ծառայութիւն է կատարում էյվազը: Այնտեղ սովորում է թէթել, ստորանալ, ընտելանում է յարեմական կեանքի բոլոր մեղկութիւնների հետ, այնտեղ սպանում է իր այրականութիւնը: Եւ դուք կը տեսնէք, որ նոյն փառաւոր հագնած, վայելչադէմ էյվազը, որ բոլորին ապշեցնում է իր գեղեցկութեամբ, յետոյ, իր ծերութեան հասակում, պատառոտած հագուստով, մի կթոց ուսի վրայ առած, թափառում է փողոցներում, տներից աղբ է հաւաքում եւ, մի քանի փարայի վարձատրութեամբ, տանում է ծովն էւ ածում: Երկու դէպքում եւս նա ստորանում է, թէթում է, թէթում է աղբի ծանրութեան ներքո...

Վերջին խօսքերը արտասանեց արիեստաւորը սարսափելի դառնութեամբ: Նա շարունակեց.

– Նայեցէք այդ բազմութեանը, որ մեր շուրջը զբօսում են եւ այդպէս անձնատուր են եղած անհոգ զոարճութիւնների, դրանք պարտքերի մէջ խեղդոած մարդիկ են: Դրանց մէջ մէկը չէք գտնի, որ իր կեանքում տասնեակ